

徐文長文集

徐文長文集卷之六

公安袁宏道所評點郎評點

古歛邴之壁子荆校訂

五言律詩

銅雀妓

重泉鎮玉燕闕燭繞金蛾君銷陵柏土妾斷偃松蘿
薦夢無雲雨留香別綺羅願爲銅雀瓦生死托漳河

出塞

清麗

漢將去堂堂邊塵靖不揚雪沈荒漠暗沙攪塞風黃

名二丁三
虜帳朝依水，胡酋夜進觴。舞兒迴袖窄，無奈紫貂香。

琉球刀

時客常山

客將刃出市，云是大琉球。海泛防龍合，天陰聽鬼愁。
揮空霜欲落，脫匣水堪抽。萬里烽煙地，隨身去莫留。

又

單刀新試舞，雙劍舊能輪。雨過腥聞血，風旋雪裹身。
對鏗歸思動，挂壁剜痕塵。醉後時橫看，終當贈與人。

西北 俱妙

西北誰家婦，雄才似木牛。一朝馳大道，幾日陞長安。

紅失裙藏鏡。塵生被打鞍。常璫無不可。轉戰諒非難。

又

金鞍七寶。欬玉手控青絲。人馬才相得。風雲氣本奇。
勢輕香易墮。樣巧影難爲。馳龍雄心在。何曾斂翠眉。

又

尺錦卽成裝。當眉縮結方。須臾撒身手。馳驟蹴風霜。
簷影千門亂。街心一帶長。忽逢游冶子。繫馬問家鄉。

桃花堤上看美人走馬

和青霞君

一鏡圍湖水。千峰遶梵宮。大娘迴劍器。小伎落驚鴻。

影深穿柳日。蹄響帶花風。望斷梨腮粉。紅塵一道中。

春日過宋諸陵

意悽而詞健

藁葬未須憐。生時已播遷。威儀非舊典。世代是何年。
過客悲山鳥。王孫種墓田。回看隄頭樹。似接汴京煙。

又

落日愁山鬼。寒泉鎖寶宮。魂猶驚鐵騎。人自哭遺弓。
白骨夜半語。諸臣地下逢。如聞穆陵道。當日悔和戎。

孟后怨

福薄姑言信。君難國事非。官家儼平昔。賤妾獨何依。

汴水千秋逝，山花幾度稀。還憐先帝寵，夜夜月中歸。

竹月篇爲易道士賦

景色靈

脩竹隱丹扉，蕭蕭映月微。林稠光不礙，葉動白俱飛。
製鼎看圓兔，裁簫度羽衣。翻經清夜永，猶帶露華歸。

寄尚賓因借石磬

南明棲息久，兀著幾何書。夜峽月生石，朝窻雲二疏。
特懸孤磬在時扣，萬山虛自笑。耽清物，特來一借予。

宛轉詞

宛轉一臂斷，流落二喬輕。覆水已無及，迺家如有情。

歸來粧粉暗啼罷。淚痕清。莫道紅裙怯。官家盛甲兵。
湖熒氏有二女。其翁以長者許。渭繼室。渭自愆。
盟頃間。爲海寇斷。其翁臂二女俱被執。旋復
放還。便已作死。轉詞憐之後。知其長女被執。
時卽自奮墮橋。死幼女放還。亦死。因復賦此。
死轉詞中覆水句。正悔愆盟也。

訝道自愆盟。天成烈女名。生前旣無分。死後空餘情。
粉化應成碧。神寒儼若生。試看橋上月。幾夜下波明。

順昌道中新晴

解。會。投。山。屋。束。鞍。聞。鼎。雞。風。雲。留。宿。雨。花。草。踏。晴。泥。
曉。映。喧。谿。路。春。沙。泛。馬。蹄。遙。知。武。夷。曲。在。亂。峰。西。

十六夜宿葉坊玩月 董杜集中誰復可辨

昨。照。橋。中。閣。今。輝。驛。口。沙。清。光。迷。魍。魎。冷。螢。嘔。蝦。蟆。
與。水。浮。諸。海。將。山。碧。一。派。春。風。正。司。令。杜。樹。整。停。花。

杜鵑花 絕幽

煙。雨。艷。陽。天。山。花。發。杜。鵑。竟。愁。數。葉。暗。血。漬。一。叢。鮮。
正。色。爭。炎。日。重。臺。齊。絳。箋。春。風。幾。閒。落。遺。恨。自。年。年。

古鏡 雅健

白。日。淘。杯。土。青。天。射。兩。丸。且。須。防。薄。蝕。詎。止。懸。衣。冠。
神。物。含。光。易。深。山。識。寶。難。不。知。丘。壑。裏。還。掩。幾。冰。圓。

陳女度尼

青春正及笄。削髮度爲尼。別母習粧粉。參師歇畫眉。
幻真臨鏡現。生滅帶花知。未必今來悟。前身受記誰。

金客

若是鄰兒非。黃須短褐衣。單身亡命去。虜首賣錢歸。
業曠家人棄。門寒結客稀。自知終有用。窮巷且藏機。

贈相士

餽餞下明州東隨一劍留帷中占勝色市上立清秋
碧眼胡僧避青囊道侶求相逢多幕客曾見李藩不
分賦得吳山送俞君還嶺

吳山碧石頭雄抱浙江流大可興雲雨微還適覽遊
常登應結戀乍別不能留明朝翠色遠知爾在行舟
芸閣校書篇

薄霧霽香筒青細走蠹蟲一梯陟劉向萬帙駁揚雄
鳥下窺書古花飛綴字紅他年在天祿羞與俗人同
飲雲居松下眺城南

夕照不曾殘。城頭月正圓。霞光翻鳥墜。江色上松寒。
市客屠俱集。高空醉屢看。何妨高漸離。抱却筑來彈。
送內兄潘伯海謁選

之人千里行。言宴款郊城。率爾衣裳處。紛予帷幙情。
見兄兼念妹。送舅祇攜甥。明歲承恩日。龍池萬柳青。
聚法師將往天台止其徒玉公庵中余爲留信

宿玉芝

欲向天台去。先爲剡水尋。秋行萬山出。夜宿一庵深。
燕語翻花氣。鶯歸帶樹心。年年石梁興。送爾益沈吟。

省試周大夫贈篇罷歸賦此

贈篇有天池沙化龍句 毒匪

十謁九不薦那能長作儒江光凌棄壁關色黯歸縑
薇蕨求新主羹湯問小姑風雷亦何限終是惱凡魚

豐吏部公邀泛西湖觀荷明日寄作令與嘉則

敘父追和

吏部元歟飲良辰尊俎攜分明

不知者以五六月

別浦紅裙染垂楊白馬堤茫茫荷葉路共水入天西

賦得戰袍紅

時少保公得瑣賸刺製袍命賦

海鬪染啼猩征袍製始成春籠香共疊夜帳火俱明

自與鶉旗映還宜。蟒繡紫，戰歸新月上。脫向侍兒，
嚴先生祠。

碧水映何深。高蹤那可尋。不知天子貴。自是故人心。
山靄銷春雪。江風灑暮林。如聞流水引。誰識伯牙琴。

白鵬

少保公所遺

片雪簇寒衣。玄絲繡一圍。都緣惜文采。長得侍光輝。
提賜朱籠窄。羈棲碧漢遠。短簷側目處。天際看鴻飛。
初入京瞻宮闕

域中夷夏極天上。帝王家。西內宸居。逼南都鼎

地除烏啼御溝柳散閣門花非到貧方朔封書載
幾車

來青亭

畫棟將雲遠修簷傍漢開亭非邀翠入山自送青來
遠色虛難寫邀觀縱未迴共言春景麗不見使人猜

元旦與肖甫較射

各分五韻

煙光海日曛青帝早司東候轉弓猶勁標疏的際紅
耦彎雙月吐長臂一猿通本是無爭者心知此際雄

季長沙公哀詞

彭山老師

槐樹宛低迴，猶疑講席閒。死因雙宿去，生爲六經來。
遠瑟飛春水，傳燈暗夜臺。三年更築室，未了獨居懷。

懷陳將軍同甫

時鎮滇漢鑿昆池於長安而將軍親見於滇成一笑矣

飛將遠提戎，翩翩氣自雄。椎牛千嶂外，駢象百蠻中。
銅柱華封盡，昆池漢鑿空。鴈飛真不到，何處寄秋風。

鈕大夫園林

按察公石溪

萬樹梅花國，垂簾試一凭。高樓煙欲暮，遠岫雪將晴。
帆舫時時渡，溪橋處處橫。若耶無限景，都有此中情。

送高叟入燕

橫山

少小幽燕客，重游白髮多。人欽舊然諾，客私古悲歌。
紅葉淮流舫，黃塵沛縣騾。向來沽酒處，留得幾嬌娥。

背樹

背樹零宵露，羈魂斷曉鋪。正當愁盡地，誰遣放啼烏。
拭淚身仍繫，酬恩計轉迂。應勞垂老兔，結草向冥途。
賦得看劍引杯長

高會莫匆匆，魚腸把似公。呬寸心在慷慨，百壺空。
客散平原夜，波寒易水風。秦讐不能報，淚落酒杯紅。
賦得暗塵隨馬去 詞氣風流

春夕麗春燈。芳塵似有情。難隨羅襪緩。却逐馬蹄輕。
高纒迷鞍淺。低光影鏡平。酒家莫留繫。一夜遍都城。

賦得芹芽 似杜

青春曲水湄。芹吐小芽滋。在野未堪摘。獻君知幾時。
暖風來燕子。寒食伴棠梨。一夜休教老。留尖煮鱸絲。

鎮江 大是風人

落日桂城角。孤蓬憩水窻。草長交浦斷。潮大入河隄。
筍蕨醉鄉飯。櫻桃過鎮江。吳船夫婦唱。卜卦九成雙。

王山人月房

漁叢或作憑叢

山房在何所宛在水中央丹竈泥初濕紅顏藥正黃
菱花歸舫亂荷葉過人長一自彈漁鼓陶陶醉幾場

仲春李子遂季子牙史叔考坐雨禹跡寺景賢
祠中醉餘賦詩並用街字子遂來自建陽一

別數載娟淨有情

病久不到此荒祠草上堦陰晴連日異閩越幾年懷
夜梵潮三丈春酥雨一街梨花無月處有客醉金釵
法相寺看活石

蓮花不在水分葉簇青山徑折雖能入峰迷不可還

取蒲量石長問竹到溪灣莫恠淹斜日明朝恐未閒
侶琴篇爲趙子賦

豈無蘭蕙好獨結嶧陽桐養鶴多因爾遊魚亦爲儂
風雷縣一壁山水伴千重一作梅花弄都令雪滿空

寶刀詩 清壯

雙鈕黑銀鏤來從大士齒縑絨結蠻女鐵色照并州
不惜金千鎰能縣水一溝牀頭好珍重兼許茂先收

答謝上谷諸公

一客宣城鎮真多地主良停車松樹下投轄井中央

紅燭籌枚滿，蒼毛塵話長。別來知幾日，柳色滿紅墻。
書筵贈顧鴻臚

廿載神交後，尺書長跪辰。涸魚幸不死，閔月亦徒春。
碧柳深高館，紅雲近侍臣。相過不能數，叔夜懶方真。

玉口北見遺貂帽因往

制伯貂冠而玳瑁

一圍消雪遠，兩翅辟塵賒。朔北凍殺馬，遼東買斷牙。
錦筵津頰玉，深戶擁腮花。一罩山人憤，徒遮鬢髮華。

納妾詩

雖艷不淫

角枕覆衾長，新香異舊香。昔年曾射雉，此日復求凰。

杏靨開春鏡，鴉雲換晚粧。夫君莫早起，初日未高梁。
駿霞篇爲天台黃子賦

燕市千金駿，天台一片霞。持將兩神物，較許大名家。
每過愁驢直，言歸必日斜。御河生隔斷，楊柳暗宮鴉。

梨

潘家大谷梨見潘岳賦及柳子厚詩近河間以黑兎獸其商人京梨有一種名鴈過清紅而筆班班似犀下咏俱幽沈大雅與杜並傳物十七首俱用正韻

潘家大谷梨，今遍九河堤。接樹冰千鞠，單顆水一提。
馬馱香黑，鴈過脆紅犀。未怕相如渴，王孫儘翠眉。

杏

蜜什人亭蜂徒自苦杏甘則齋杏佳自苦不若苦李之自全也

杏有海東紅珍高百品中色來先壓市子大欵沈籠
釀苦蜂何爲人甘蠹亦同道旁繁李樹好去問王戎

李

閩有夫人李洛下
有嘉慶縣李並佳

閩種夫人異燕枝嘉慶同蹊堪爲李廣核可付王戎
碎玉當唇綠飛錫遶臂紅歸來憶滋味能得幾時釀

頻婆

一名平波

石密偷將結他雞伏不成千林黃鵠卵一市楚江萍
旨奪秋厨腊鮮專夏益冰上元燈火節一顆百錢青

胡桃

燕近出雞頭子
頗佳而價亦踊

羌果薦冰甌芳鮮占客樓自應懷綠袖何必定青州
嫩玉寧非乳新苞一不油秋風乾落近騰貴在雞頭

白櫻桃

櫻桃琥珀珠一樹忽碑磔入袖迷吳苧如珩信楚書
朱唇嘗處訝翠葉凍邊舒欲問丹陽鳥曾銜此類無

土豆

絕似吳中落花生及香芋亦似芋而此差鬆甘

榛實軟不及菰根旨定雌吳沙花落子蜀國葉蹲鴟
亂若人猶未隨羞筋似知嬌輦非不賞憔悴浣紗時

薯蕷

卽山藥

扶中識舊方，爽吻得新嘗。臙廩衰年壞，山薯此地良。
芋魁徒軟美，松粉藉餽餽。楚些那遺此，清酥點蔗霜。

鐵脚

吳下絲披細燕中，鐵跣織俄爲群。少多祇用一竿黏，
暗雪辭饑馱。紅椒餽醉髯，窺螳黃雀事公子。慎金丸。

黃鼠

打厚而
瑩微

幸不爲殘嗜，何由冒劣名。庖廚窮口腹，天地窘生成。
淺草遮人拙，深膏傍燭明。斷齏吾自分，食肉任干城。

半癡

小鳥形半于雄而脆美上谷人與
黃鼠共稱然癡而易襲遂以名

厄與癡相半、禽將鼠共縣、味雖供客好、名却使人憐。
所下惟雙筋、何妨少一拳、如聞三嗅叟、笑殺雉羹筵。

酒三品

日桑落襄陵羊羔價並不遠每
甕可十小盞須銀二錢有奇

小甕五雙盞、千蚨五瓮香、無錢長買醉、有客偶攜將。
醞藉宜高價、淋漓想故鄉、狹斜壚不少、今夜是誰當。

荔支

出新會者名進奉絕佳有以小瓮載販陽
江者到即說報其土產稍劣或邀食多以

熊黃及種取高

荔蘇公事也

帆檣報荔支、猶憶海南時、一邑明勾漏、千巒枕蜜脾。
消中隨蔗往、高樹放猿之、近日肝腸別、依稀餞采薇。

又

當醉更須醉，當殮便買殮。幾年千里外，一顆百金難。
飛騎休輕刺，垂猩且奪看。老胡今已矣，世味飽鹹酸。

熊

此李勣射獵而托饋大兒故三四用蜀陳家事五六則憶曩食熊獺掌特甘醲而此顧亞必豕熊也七八用茂先事意謂儻恣口腹何所不至耶

李廣射熊歸，生肩付大兒。都無一寸白，儻有幾條筍。
腊掌吾曾飫，鮮躡勝略差。窮養亦何劇，惡鮮白魚蓮。

黃羊

味絕勝善走倦答個馳饋宣鎮故五六云然三四晏子語言也七八戲言耳雖貴胡

亦未聞

食駝者

紫塞黃羊美，超騰不易供。蹄雖千里外，命寄一廚中。
誰教西河俎，言穿老上弓。賓筵三動指，早晚到駝峰。

河豚

白下酒家簷，河豚荻笋尖。寒江晴後雪，爛柳窵中鮎。
萬事隨評品，諸鱗屬并兼。惟應西子乳，臣妾百無鹽。

送薛鴻臚左官袁州

佐郡袁州去，江行萬里西。興牽春水鴈，心斷早朝雞。
蠻境風煙近，巫鄉習俗迷。正須煩料理，滕閣未遑躋。

雨

一雨連秋夏，無朝不冥迷。曉添四壁篆，夜助百蟲悽。
蒙幕遮城漏，蒸潮汗礎泥。直愁衡岱頂，亦障海鳥飛。

夕霞

第二首魚勞則尾
赤詩云鮐魚頰尾

三篇麗色相映

明霞剪脚齊，茜水入霄泥。鴈鷺千行外，巖巒一角西。
石家錦步帳，海國紫玻璃。安取揮戈術，相畱莫遣飛。

又

明霞爛且都，雨歇霽霄鋪。萬國樓臺莫，孤村煙火晡。
波鱗銷琥珀，海色上珊瑚。一林須彌翠，胭脂月鏡孤。

又

元氣渺太素，丹鉛何所粧。白魚勞尾變，紅石補天長。
剩付煙嵐采，全併沆瀣光。俄飛一片紫，騎鳳是蕭娘。

送某子北上

送子有所思，秋風來何翩。拜翁挂貂處，談我篝燈前。
囊紅芻馬店，霜白聽雞天。一隊長鞭，裛輕寒。早着縣
某君中貢選送之

物有幽奇者，飛騰各擅方。巨魚須北化，細芷不南香。
在獄持何贈，穿泥以劔將。回思成一笑，君自有魚腸。

人言鳳尾蕉花於某縣庭命作

鳳尾本蕉材，紅花綠葉魁。縣庭今一見，蠻地不曾開。
孔雀羞金翠，蕭娘坐粉腮。潁川黃霸在，辛苦送祥來。

壽葛貞母

亦諱亦趣

終歲不成粧，釵寒古鳳凰。詩堪將柏賦，年亦與松長。
列女誰同傳，稱人果未亡。當筵思舉業，誤逝百年觴。

乙亥元日雪酌梅花館

有扁二日種藥
堂曰葡萄酌深處

秋葉已凋疎，春林積雪初。溪藤不復買，裙練免偷書。
挂碧來鳴鳥，堆紅補破廬。待予新買屋，自種兩三株。

又

花葉看雖少。藤稍遠更賒。蒼須搖水雪。白玉碾龍蛇。
碧氣將檐薄。濃陰奪竹斜。去年深夏熱。特地爲予遮。

初夏送某客入廣

廣中賈客寓所隔岸則僧居也。率以一錢擲艇子。輒渡。

海南多寶地。客也傍春行。涉嶺梅丸綻。當廬荔子明。
百香番賈舶。雙翠美人纓。會向青樓去。時呼艇子乘。
賦得風入四蹄輕

由總戎嘗騎千里馬。風掣其衣。僅存襟背。又云趙總戎亦

然故三

章云

駿馬四蹄風。形容有杜公。一塵不動外。千里颯然中。
白草連天靡。蒼鷹踞翅從。檀溪不須躍。隨意過從容。

又

愛妾換初訓，將軍慕紫騮。颺颺只問響陣陣，不禁秋
練影難長。曳房星易一流路旁，看不細多是失回頭。

又

借將從虎物，并去翼龍旂。戍削纔辭檣，崩壘已破圍。
寒呼隨跳起，黑旋裹鞍飛。曾聽將軍說，雙雙碎鐵衣。

又

赤驥本龍精，行時不是行。看遲八尺影，過急一團聲。
帶烙成駢死，嘶鹽了此生。孫陽何處是，淚盡太行程。

兩舟載鶴詩 凄疎有遠韻

買鶴載歸去。况逢風雨天。客裝兼有此。江影兩潸然。
濕重愁孤雪。波長立暮煙。園池寧有此。漠漠迥堪憐。

元夕之辰。偕友人集九里之天瓦寒泉二庵各

賦并序

去郭九里曰九里者。爐峰舒臂其西。高則亂石偃拔。駭獸穿林。下則迴泉紆縈。驚虺入草。兩精舍各據所勝。止息緇黃。因石以覆。則爲天瓦。依流而茨。乃題寒泉。驚鶴之所必棲。猿

麋會此莫集也。某君南來之暇，稍厭宿筵及
予元夕之候，載觴其中。上下高流，別弄魚鳥
落帆到舍，川月白燈紅矣。似別武陵，悔返城
市景遷情改，寧免生滅之緣。各有賦篇，令予

作敘

尋常難淡泊，况復值茲辰。山水留吾輩，燈花媚別人。
言歸城市去，似別武陵春。一路梅花水，今年弄月新。
擬壽長春祠何老 語爽而幽

雲母何姑粉，增城幾葉春。馮心行好事，作屋住仙人。

鍛柳堆山，鍊眠松弄水。銀面上桃花色，流年始七旬。

京中送友人南歸 浩然逸詩

不道歸真惡，翻嫌握手遲。綠蠅秋漸少，黃鳥日相驚。
以我尚未去，問君來幾時。答言春盡後，北鴈與同飛。

送蔡安父之黃州 梅天景色在目

安父黃州去，乃當中夏時。榴花作火豔，梅雨爛絲絲。
研墨法法燥，適書葉葉吹。今朝霽如此，別馬快風嘶。

與葛景文 疎灑出錢劉上

冬潦無人出，君胡爲來歟。山樓隔年病，江渡幾封書。

健後堪風雨。貧來無菜蔬。不能得一飯。歸去寺煙餘。

畫紅梅

前四句舊

即使胭脂點。猶成冷淡枝。杏花無此幹。鐵樹少其姿。
挂壁紛紅雪。圍春在錦池。無由飄一的。嬌殺壽陽眉。

畫竹

句亦有煙色

萬物貴取影。寫竹更宜然。穠陰不逆鳥。碧浪自翻天。
受夏俱鳴石。迷迷別有煙。直須文與可。把筆取神傳。

筵中漫贈王良秀筆史

閒思

囊琴三尺餘。收我主人居。老叟能稱隱。諸郎總解書。

夜深時喚酒。春盡共騎驢。去到西湖上。梅花帶雪舒。
吳門逢孔將軍於塾

舊日堪爲將。今來復授經。王人盛供帳。醉尉止都亭。
終歲只在野。因予一入城。相悲十年事。淚落酒杯平。

書倪元鎮畫

神情淡遠

一幅淡煙光。雲林筆有霜。峰頭橫片石。天際渺長蒼。
雖願須金換。如真勝壁藏。偏舟歸去景。入畫亦茫茫。

無題

翁也專樞密。儂今職贊襄。酒京留守重。北帽侍中央。

凌氣松鱗紫。湖霜藕葉黃。江南秋色好。此去滿帆檣。

賦得草窻篇爲周衛卿之號

周繪
王蟲

草綠鳥喙喙。閒窻一斗開。百蟲堪上筆。一片欲遮苔。
莫影紗紋澱。春芽老氏孩。元公有知不。一笑隴牛堆。

食虎眼

虎眼荔枝
之佳品

虎眼白琉璃。誰能隸虎皮。小毬峰粉結。高液鳥群司。
婦去茶如薺。王歸膽亦飴。由來甘苦柄。舌觀豈能持。

解

細而不微。自堪叫絕。

紅綠襟文。紫蓋橙檣。末高雙螯。交雪挺百品。失風騷。

餽喜朝爭殺。鷓鴣夜泣糟。大蘇無缺事。只恠佞江瑤。
蘇傳江瑤柱
乃不傳螺

又

水族良多美。惟儂美獨優。若教無此物。寧使有監州。
辟鬼秦關夜。輸魁海稻秋。河豚直一死。只好作蒼頭。

又

吳興饒吻守。越國朶頤人。風韻誰偏少。吹噓爾絕倫。
沅江九肋鱉。松泖四腮鱗。遍試張華醋。還誰五色文。

又

爾故飽菱芡，饑來竊稻梁。逃蕭孟嘗走，結草杜回亢。
蛻許山蟬嫩，腥憐海麝香。那能親箬笠，夜夜伴漁郎。

又

織篠挈千籃，枯筐養八蠶。縛嚴愁廣武，霧重死淮南。
金紫膏相蝕，尖團酒各酣。秦人不曾識，付與兩齊參。
蠶筐見檀弓八
贊者南粵種也

胡市歸胡館不一刻
禮觸數日

胡養復胡王，無鷹不飽颺。滿城屠菜馬，是鼻掩綿羊。
卽苦新輪輦，舊勝殺傷從。從來無上策，莫笑嫁王嬙。

客餉我笋脯一小筐。穉而甘澹擬謝。

晨觴急十斟。笋脯美遼參。玉版禪師韻。黃冠道士簪。
山存仍受虎。春代并更禽。穉畔夫將婦。隨農綠針。

聞人賞給事園白牡丹

白牡丹殊雅。曾於舊譜聞。掃眉嬌號國。新寡縞文君。
黑牯眠雲飽。黃蜂奪雪芬。爰憎誰與定。賒酒借花醺。

又

梁園月下白青瑣。第中逢定是千金。買來陪一捻紅。
珍奴學龜息。越女鬪猿公。作意驅脂粉。天然輸與儂。

又

休量姑射子不語息夫人香暗聞龍腦須黃見蝶身
雪腮宜買笑霜鬢可饒嗔莫學盧郎婦題詩謔老人

化城寺 中晚佳境

方引玉人轄轉爲山寺嬉門深當水盡路曲入松移
破鐸搖簷鴿寒萍菽沼龜過溪無虎嘯枉送遠禪師

明日至古博嶺雨

無寸非濃霧寒空濕太勝泥深驢項沒雨近帽簷生
練泄未到眼客途先苦行真成評嚼攬敢與棗兒爭

京邸贈沈刑部

叔成自安鄉召入善畫梅在署竟日伸紙洞庭逼浸安鄉

人多驄馬客君慙白雲司棘署了公事梅花作雪枝
帶寬知懶在馬重覺塵隨頗憶洞庭否煙波十二時

哀周鄭州沛

莫以拘攣輩交攻放達偏窮如知老後樂似欠年前
匣藻鮫俱泣園花石共遷傷心能幾輩教我不潸然

又

雪涕尋前誼敲門憶昨晨梟盧呼未歇蝦蟊醉仍頻
日者過荒館霜顛破角巾飄零雲如此昨日故將軍

曉發句容

宵來醉眠處，忽爲遠林遮。
三尺短綬爛一程長耳賒。
村村落斜月，樹樹抹輕霞。
只尺丹陽近，江魚入饌嘉。
送沈叔子南都迎母

馬上定苦渴，幾迴停輓轡。
別兄當北邙，接母到南都。
桃葉橫前渡，荷花滿後湖。
此行大家逐，誰敢問當壚。
送馮叔系之南都訪舊

江國柳雖盡，將及梅花新。
路遠卽逢雪，天寒別有春。
高牙紛海幕，長劔著孤身。
乞取封書去，難辭舊主人。

景文至其舅劉所過園中

兩橐行廚過清醪。溢瓦盆。一行澆鬱思。百覆失煩冤。
笋候人家飯。鶯天桃杏村。無山共甥鎮。日數園門。

送俞生之入楚

頗善繪事

作客向襄陽。鰓頭大舸裝。江行多雪候。旅宿盡漁鄉。
此景俱堪抹。行囊好爲藏。歸來逢鑒賞。幾度桂山窓。

張子錫往訪其弟長治

伯兄官署去。因寄仲君書。問政應如水。添廚稍出魚。
越人多好着。潞錦小花裙。看取寄歸匣。都無一尺餘。

與任生話舊

麻衣飄雪處，益動而翁思。近日君家事，子保那得知。
筓天應薦墓，柏涕可枯枝。莫作徒悲切，遺書退學詩。

送張君會試

明年此時節，意氣何揚揚。但遣馬蹄疾，莫愁花路長。
幾多青樓婦，認取舊檀郎。何處最笑指，當爐壓酒娘。

檉上虞葛翁

聞道自髫年，傳經徹舊編。裘糧百里外，卒業一燈前。
隱傳知高士，遺孤是大賢。斯人真不死，可以慰黃泉。

授經館中懷江東諸同志

時復病

能得幾回春，匆匆滯此身。一江書易寄，連月性難馴。
買藥獨行市，敲門暫訪人。幾時束書卷，來伴釣魚綸。

蠟屐

一生幾兩屐，此語爾非迷。何事淪猩趣，終年弄馬蹄。
萬錢收錦屨，五岳遍丹梯。齒畔如瀕損，厓蜂借一腴。

題雪景畫

諸暨陳仲子

幽人凭水檻，釣者挈魚投。况對千山雪，而無一客留。
臘酒此時熟，老夫終歲憂。壺公能醉我，跳入畫中休。

爲陶工部贈道石

終是千年鶴，今先返舊城。
到家人尚在，入洞雲來迎。
紫氣莫西渡，青山留震盟。
野夫慙尹喜，却辦候關情。

將遊五泄宿吳系山莊遇陳老迎餉邀余輩先
登峨眉不果

遊巒維林竹，山窓來獵燈。
青絲炊白稻，碧笋束紅藤。
坐落半宵月，流分曲水亭。
忽逢山下老，邀上峨眉層。

徐文長文集卷之七

公安袁宏道中郎評點

門人郝之璽公琰校訂

七言律詩

君從

君從閩海下南昌，正值中官降玉皇。
龍號真人親拜斗，繡衣使者自焚香。
壇中祝壽千官滿，官裏傳旂兩道長。
不是薄游江海客，何由得覩此輝光。

九重

端麗

九重憂隱德如湯，禱祀壇傍夜有光。
旱魃正逢周甲子，神君俱集漢明堂。
繡成旛蓋虹雙引，挂定琉璃水一行。
聞說詞臣咸萃止，抽毫拂素侍君王。

白燕

閒庭盡日見還稀，院院梨開去漸微。
別殿幾年埋玉匣，舊人何處認烏衣。
春風水面徒聞語，夜月梁間好弄輝。
安得姚家紅線縷，却看片雪帶花飛。

又

西飛歲歲候青陽，花發名園何處藏。
天子郊禱呈瑞

色。主人臺榭有輝光。輕翰培以雨。綃初剪。小尾流風練。
愈長。萬里東歸看。易沒海天元。是白雲鄉。

續白燕 俱有神彩

一時伴侶自應非。海路空長過亦稀。漢將玉門投老
入。趙妃雪夜待人歸。孤迴夏日搖寒色。漸下秋空見
羽衣。已識朱門無可托。玉樓天上任高飛。

又

青壁紅窓映苑牆。衝花泛羽啜群芳。霜迷萬瓦單栖
溼。草綠千堤片影涼。雲母屏深低綺袖。水晶簾動拂

流黃西園蝴蝶渾無賴。暗粉飄塵上海棠。

寄成女彝守備登州

女彝時寄蓬萊集
載登州海中蜃景

牙門遙映列僊臺。總帥偏宜上將才。出海戈矛俱借
水飛空矢石併成雷。天邊送鴈將心往。馬上題詩帶
景來。解道觀游憐獨賞。那能分向小蓬萊。

送方阜民公子還歛

方阜民尊公知山陰渭
始籍諸生提調師也

江關楊柳弄新晴。游子思家數去程。客裏經春花作
伴。酒中連日雨留行。輕裝未結離歌發。大道臨歧感
慨生。欲把今朝雙別淚。寄彈一滴使君靈。

送通政胡君入閩

敬所君有同年御史大夫鎮閩

訪舊暫爲閩海客，歸塗兼得武夷游。
不堪暮雨張筵別，況值春花帶葉抽。
山障入雲迷去騎，溪濤作雪瀉行舟。
幕中無事同君飲，好向尊前借筋籌。

言遊武夷道中撫景因憶往年尚賓呂君天台之約

言必脫腐寧失淺弱

巖壑千重路轉偏，春陰漠漠帶炊煙。
困投野店聊呼酒，笑問名山數舉鞭。
籠鳥對人喧曙色，桃花臨水弄新年。
多情忽憶天台約，歸去應尋剡曲船。

落花 風流爾雅

花落條空芳樹稀，秦王宮裏捲羅衣。
經過楚巷兼人麗，乍入梁園雜雪飛。
送雨迎風俱是別，沾泥帶水不能歸。
明年知向何枝發，願傍青陽近日暉。

泊閭門值閏月中秋 海鏡句本不韻全誦之

忽忽愴神

中秋只尺已蹉跎，更值中秋此地過。
天上桂輪長苦滿，人間酒盞莫嫌多。
虹橋一散能追不，海鏡孤飛奈墮何。
最是虎丘此時節，清歌不住水微波。

送葛穎仲

時予初解紫

杏花楊柳夾扶疎，送客澄江煮白魚。
紫艷葡萄千日酒，白藤花匣萬言書。
豐城劍出應雙躍，螭觀緣多且獨居。
待爾他年拂衣日，看予渡海跨青驢。

飲枇杷園贈某君東道

園逼東隣，鈕給事家，故有後四句實景也。

紅葵古盎碧蛆沈，南市青帘買却斟。
布衣真可十日飲，碑錢索得隔年金。
游魚觸沼聽歌淺，獨鶴穿花出唳深。
給舍酒厨東壁是，縛拚畢卓可能禁。

奉送同府潘公募兵廣東 末數句劣

使君佐郡儼行春。開府知名下。令新手挈萬金。收死
士身藏半綬。見鄉人部分卷甲趨。春雨弩矢成行夾。
畫輪引向轅門投謁罷。試看王客集魚鱗。

十四夜

風韻泠然使人味之無盡

野外虛堂夜不扃。遙遙秋漢數峰青。舊栽菱葉侵河
路。新折蓮房插膽瓶。涼氣欲來先到水。月光纔上只
移櫺。請看明夕三更漏。相對何人坐紙屏。

月下梨花

芳媚可玩

今宵風物異尋常。月底梨開萬朶光。閃雪搖冰偏倍

晝迷枝浸葉。總生涼痕。嬌舊積啼春。雨鏡色新圓。選
夜粧。莫遣風吹迴。作態素娥。應妬舞霓裳。

又

細藥繁。花帶月。芳新粧。搖蕩宋家墻。銀叢泛影通河。
切酥的。飄輝接。夢長夕。鳥幾條。垂滴滴。春空一片綴。
蒼蒼却嫌曙色。催將曉冷。暈微收。益渺茫。

又

丹輪皓質兩微茫。桂粟梨雲鬪淺黃。萬點綃痕春帶。
水一庭。雪影夜生香。小星解照周舍伴。不夜爭懸漢。

帳倡訝道獨禁風露冷曾聽法曲立更長

又

璧月流空霽色揚梨英當夕弄青陽
搖寒隔院非關
艷暎斷長天別有芳粉歷團團
新出洗窻錢一一
暗浮霜多情錯認梅花夜
教進羅浮夢裏觴

新建伯遺像

方袍綦履步從容高顙籠巾半覆鍾
千古真知聽話
虎百年遺像見猶龍
夜來衣鉢今何在
畫理須眉亦
似儂更道先生長不減
那能食粟度春風

夜酌遲友人不_至

方朔侏儒兩欲死，智伯中行一是知。醉裏放言何造次，醒中爲客太支離。簷飛細雨除清暑，燭笑麤花旋紫芝。坐待人來將說與，夜深敲缺唾壺兒。

贈府吳公詩

并序

吳公自曩昔攘斥夷寇其在吾紹興若浙東西松江諸道者人易聞且見故多美頌之詞。迨舟山之役越在海外其撫民搏寇之功故多而且艱人掩之莫得而知也。獨涓以書記

辱在督府隨衆人後雜談戎伍稍悉其事而今年台溫之捷公之伐又最高公既讓美不言而世之公道將遂因以漸沒乃用鳴之以詩使公知知其事者尚有如渭者在而渭之所處則固有難於知者也

幕中曾與衆人群幕外閒聽說使君破劔壁間鳴怪事孤城海上倚斜曛。詠諧併謝長安米。懶散猶供記室文。把筆欲投還自笑。故山回首隔江雲。

與客登招寶山觀海遂有擊楫岑港一窺賊壘

之興謹和開府胡公之韻奉呈

滄海遙連雉堞明。登臨喜共幕賓清。千山見日天猶
夜。萬國浮空水自平。不分番夷營別島。願圖方略至
金城。歸來正值傳飛捷。露布催書倚馬纓。

爲子微題鷓鴣圖

鷓鴣對啼
見本草

瘴雨蠻煙嶺樹蒼。舊遊曾記泊桅檣。對啼江畔霜初
歇。獨聽扁舟草正芳。旅景誰將上。縑素羽衣今復見。
茅堂似嫌越鳥南枝慣。擬欲乘風向北翔。

兩宿齊雲下。憩逆旅夜大雪因復登眺

夜投山店醉眠休。早起茫茫攬敝裘。更向松間尋舊
侶。要於雪後倚高樓。幾重碧殿深相映。萬里瑤臺儼
若遊。歸路欲迷何處覓。野梅花落遶溪流。

孫忠烈公挽章

行藩黃屋車何用上。壽瑤塔酒未酣。豈有滿庭持漢
節。終無箇士死淮南。百年正氣天爲永。一覺忠魂夢
亦甘。詞客幽懷關世事。悲歌重扣劔之鐔。

下第回值九日登塢土山訪北庵上人

歸家忽已逢重九。聊向高山試一登。舌在何爲更問

婦輩除元不是求僧秋雲隔水流數片落葉依巖積
幾層話了出門月初上听蘆汀菊也相應

訪玉芝師夜宿新庵同蕭女臣

參禪喜與梁王喬合掌跣趺野竹叢坐久空堂諸呪
歇夜深明月四山中親陪客話拈珠串獨卧行單坦
片樓一宿相留渾舊事無生自愧永嘉公

往年觀伎走解意當是北產故綴四律首章用

北語今年復來知是金陵上元人又携一少

伎同坐簾上分燈放體空中名曰童子拜觀

音乃昔年所無者 新綺

人似明珠馬似盤，起騰隱現不離鞍。各尋鏡底羅鞋，窄都在空中粧翠寒。合掌幾回投地去，同心雙蝶隔花攢。莫嫌歲歲頻來往，家在金陵自不難。

與王山人對語

仗劍渡江王猛身，歸來又共坐青裯。平原自有三千客，門下聊同十九人。曾許鳳雛應不忝，由來龍性本難馴。久知世事只如此，且借清樽一洗塵。

乙丑元日大雪自飲至醉遂呼王山人過尚志

家痛飲夜歸復浮白於園中

如目獨酌不成配，穿隣喚客雪中過。三百六旬又過
美四十五春如老，何幘軟漸知簪髮少。興豪那計酒
壽多小園風景偏宜，雪綴柳粧梅有許窠。

飲太白樓

馮弔追儻

城上高樓接大河，城南池沼遠朱荷。千年供奉飛杯
池一夜徐州上水歌。露冷秋蛾爭彩燭，川長風撼亂
金波。客中行樂無過此，前夕中秋何處過。

楊道人訪我于繫索詩

道人半在城都行，今過稽山上禹陵。身載瞿塘雪後水，手拖菑醬國中藤。稍談鹿乘延卑品，欲拔雞羣亦上昇。近日嵇康知不免，懶將消息問孫登。

新秋避暑豁然堂

起套蘇不厭結用杜轉佳

竹雨松濤響道房，瓜黃李碧酒筵香。人間何物熱不啼，此地蒼蠅凍欲僵。一水飛光帶城郭，千峰流翠上衣裳。窓前古木搖枝入，好挂輕絺細雪涼。

過陳守經留飯海棠樹下賦得夜雨剪春韭

春園暮雨細泱泱，韭葉當籬作意長。舊約隔年留話

久新蔬一束出泥香。冰塵已覺飛江燕，帽影時移亂海棠。醉後推敲應不免，只愁別駕惱郎當。

迎春值雪

連歲雪多甚

雲黃瓦白照千家，雪裏迎春倍物華。士女紅樓先捲幔，吏人采杖忽生花。瑞多自古無連歲，路滑從東接郡衙。半是三農占水旱，直隨牛尾不辭賒。

宮人入道

明月宮女名

昭陽隊裏混鉛華，番老參師日半斜。不向秋風怨團扇，却教明月進琵琶。朝看楚篔簹，身爲雨夜繡茅君線。

作霞見說。縵山。閑姊妹。尚論恩寵舊。誰家。

贈秦仲虛

冰玉山人本絕埃。西湖自築初陽臺。何年養鶴曾飛去。是亦當門盡。蓬萊道士。忽逢松樹下。漁舟放在藕花隈。知余欲與爲隣舍。指點孤山一角梅。

宿長春祠夜半朱君扣榻呼起視月山缺處露

錢塘僅一勺而夜氣滂之

雋爽

長春明月夜闌干。起視當眉尺五間。千里林光俱浸水。一杯江氣亦浮山。似聞隔岫吹長笛。欲喚真官語。

大還忽憶廣寒清冷。甚有人孤佩響珊珊。

恭謁

孝陵正朔

漢高彷彿 皇祖而以少文
終其身故五云然是日陵監

畧陳

先事

二百年來一老生。白頭落鬼到西京。疲驢狹路愁官。
長破帽青衫拜。孝陵亭長一杯終。馬上橋山萬歲。
始龍迎。當時事業難身遇。馮仗中官說與聽。

答贈盛君時飲朝天宮道院

儼爾身游

長安道院一牽裳。司馬筵中再舉觴。柿葉學書才不。
短。杏花插鬢意何長。藥沈綠醕家厨釀。霜折紅蕉道。

觀房坐裏黃冠三兩輩。醉來相與說。先皇。

中秋雨集金氏園亭次陳思立

詩朋酒斯享
朋雙尊也

中秋風雨劇。凌馮拂悶觥。籌倒一朋綠。桂隔年疎彩。
暈銀毬。終夜斷長繩。泥深水掌花邊。鳴帽落霜顛影。
外僧醉後忽呼長劍看。赤鱗乘漲欲飛騰。

十六日霽與張長治伯仲集城隅次長治韻

飄砧飛柝戍營秋。坐裏閒聽說潞州。孤鏡滿城池水
洗。明河千尺傍人流。笑論昨夕能漂瓦。醉喚紅裙緩
下樓。自古陰晴誰料得。莫辭連夜典鷄裘。

邦憲死

朱氏而俠

讀此覺珠鍊者爲煩

遠從黃浦白波邊，淚盡枯魚黑索前。
共許相逢還幾度，詎知此別卽千年。
白楊樹下多風起，廣柳車中少客眠。
見說吳門塘上曲，纔歌高士卽潸然。

贈遼東李長君都司

三四可謂壯采

公子相過日正西，自言昨日破胡歸。
寶刀雪暗桃花血，鐵鎧風輕柳葉衣。
百口近來餘幾箇，一家長自出重圍。
禪關夏色炎如此，聽罷淒霜雜霰飛。

許口北道以綾帛綿三物題曰袍具作詩謝之

寓之西隣爲朝玄觀多樓

方士諸邊競用蔚州之炭

吳。鸞。已。挂。山。人。肘。邊。馬。尤。堪。北。寺。臺。其。奈。沙。場。惟。解。
雪。那。能。花。處。一。題。梅。昨。期。後。府。將。軍。獵。今。學。西。隣。道。
士。雷。壘。取。蒲。團。高。一。尺。坐。消。一。輛。蔚。州。灰。

小集滴水崖朝陽觀

上谷

取其快句

朝。陽。道。觀。一。何。縣。滴。水。孤。崖。百。丈。邊。餘。氣。出。關。雄。大。
漠。長。風。吹。壁。立。青。天。窓。扉。近。在。栖。鵬。處。閣。道。都。攔。坐。
客。前。不。信。夜。來。高。頂。望。定。應。笙。鶴。下。飛。仙。

徐州

將登黃樓問
棗下之婦

今歲青青隴麥稠。去年河水過堤流。無家不自波中
出。有盤都經樹杪。遊棗葉雙扉。詢翠柳根一面護。
黃樓泗州潭底。獼猴老不信。今還鎖泗州。

駕歸自閱群望于衢恭賦

三月三日

桃李晴曛禁苑煙。鑾輿新幸北郊旋。團花鞞鞞
春日細柳旌旗拊。驛年一道甲光將。雪借千群馬色
截雲鮮。誰兼將帥爲天子。共喜文皇九葉玄。

張雲南遺馬金囊

時余尚羈而
張亦被議

百顆緘題秋暑清。遙聞摘向最西營。張騫本帶葡萄

入馬援難拋。惹苒苒行。萬里錦苞。醉曉雲。路一泓。寒舌攪。春。錫年來不爲臨。叩病。無奈羈愁渴。易生。

壽吳宣府

近來宣府息烽埃。台吉求生。欵鎮臺笑。引雙椎。胡女拜。傳呼萬帳。令公來。艾年佩鵲。寧非早。薇省垂魚。不待推。報與江南春信道。題詩寄處隴梅開。

美人紅甲

尚未雅

近日新粧處處施。玉纖染草學胭脂。并將櫻顆銷錦管。忽散桃花上柳眉。春色每從稍畔露。麗情半出袖。

邊知塞風昨夜吹膠折抱得琵琶下手遲。

禹陵

桓碑空石也魚蠹也楊梅樹下予疑禹穴在此玉字謂金簡玉書也

年來只讀景純書此日登臨似啓予
塋罷桓碑猶豎卯封完玉字不通魚楊梅樹下人誰解
苗蓄鬚中氣所居卽遣子長重到此不過探勝立須臾

曹娥禱

曹娥十四死長江江水連潮萬里長精衛定應化
渤澥子胥豈只怒錢塘一江魚鼈浮尸出入尺龜
端臥絹黃總爲金釵收正氣可憐梟獍遠爺娘。

露筋祠

烏鳥既能傷義士，蚊虻何苦碎貞肌。由來天道本無定，誰使昆蟲必有知。畫壁幾殘春社雨，靈風時滿夜歸旗。煙波一望三千里，長在湘江洛水湄。

馮刑部索書冊

慶成與宴圖

躬耕既喜陪明主，列宴兼榮享大庖。蒼帝青陽臨左个，朱犁黃犢引南郊。筵前甕盎歸餘瀝，馬後蹄肩帶割肴。笑語細君將母好，不勞諧謔自爲嘲。

送嘯上人之五臺

長嘯上人者來自長干。蹙謝雞鳴之妙景。輒
馮短錫。却棲鳳禁之西禪。候三月以飛花。指
五臺而趺草佛燈。萬點天放琉璃。山翠千重
神移鷲鳥。興文殊之親覲。別社友以長征。四
韻送之。數言以引。

白下珠林最有名。忽來燕趙作遊僧。春風大衆迷花
雨。夜壑孤藤看佛燈。已辦一瓢相伴去。其如多病不
能興。歸來只洗雙荷葉。聽學文殊演上乘。

佛家以耳
爲荷葉

集李侯宅得鍾字

詩內賜鮮楊梅故用李令問
鷺事卽杜詩李少監也李侯

高廟甥家有所賜手書又有
其貝多葉經千番字如屯蜂

侯家簾幕夜重重。醉客觴繁斷禁鍾。賜果自鮮冰後
色。罍鷺直賤丈前醲。月斜苑樹寒孤鵲。字暗番經集
萬蜂。尚有御緘看未得。何時重許拆雙龍。

燕子樓

牡丹春後惟枝在。燕子樓空苦恨生。昨淚幾行因擁
髻。當年一顧本傾城。分爲翡翠籠俱老。訝道泉臺伴
不成。猶勝分香臺上妾。更無一箇哭西陵。

送余興國

隣家兄弟逼炊煙不見于今四十年頗有長顧堪佐
幕頭多短髮尚留燕深秋一路逢紅葉明月雙帆挂
大川黃鶴樓中可相引石榴皮畔覓神僊

駕幸月壇群望西街

玉露清秋湛碧空金輿夕月引祥工紅雲自結龍文
上彩仗如移桂影中壁畔常儀端捧鬯郊西新鬼正
垂弓布衣久分華山侶笑向歸驢墮晚風

九月十六日遊南內值大風雨歸而雪滿西岫

笑

石橋魚龍百族巧甚云是西
洋物乃三寶太監取歸者

寶樹瓊臺夾梵輪。星壇月宇詎非神。從來天上游俱
夢說。向人間。恐未真。風雨故梢。銅網翼魚龍。欲活石
橋鱗。尋詩正是迴驢處。忽。西山雪照人。

送新昌潘公

北斗聲名重二京。東朝保傅謝初榮。百年華髮晞三
握。一日朱輪送滿城。漸喜河冰仍綠水。稍聞鄉雪盛
黃精。快帆定落歸心後。客夢幾番天姥青。

將別復偕遊碧雲流觴枯柳之下

征輿解道明朝發。別酒遙從此地酬。盡日迴腸依曲

水昔年種柳似江潭。霜高睡短雞偏促。雪滑泥長馬不堪。差有梅花知客意。一程南逼一程南。

送朱使君太僕

長安明月金叵羅。幾度從君醉踏歌。北寺雲屯朝路馬。西清風起夜聞荷。大臣自引行當不醉尉。逢人且莫呵。一葉米家書畫舫。白虹終夕遶滄波。

李子遂死予設位哭之遂擊水而歌此

淚盡南天哭不回。李生真是可憐才。生勿解識徐家物。死夢應尋范式來。紫氣鑊干埋不得。青楓刺繡任

成灰知君去證金環果戲取楊花李上開

讀問棘堂集擬寄湯君

蘭茗翡翠逐時鳴誰解鈞天響洞庭鼓瑟定應遭客
罵執鞭今始慰生平卽收呂覽千金市直換咸陽許
座城無限龍門蠶室淚難借書札報任卿

金剛子珠串

典麗中風趣自足

不共番經出寶函定從胡腕摘偏衫核堆繡字瘡
爛果聚香林孔雀銜不斷百思惟嶺鶴手提一串縛
狂糝饑來喚米無人識送與游僧上海帆

聞都督再遷山西武寧

胡牀雪夜斗牛裘，親待回探夜不收。
薊北咽喉此爲最，山西將帥爾稱優。
千金粉面捐廝養，百鞘朱提買
終頭倒死瀟瀾姑諾諾，大宛終收匿驪騮。

自塗道走居庸雪連峰，百仞橫障百折銀色晃。
晃故來撲人中一道，亦銀鋪也坐小堦，冒以
紅氍毹，疲羸數頭匣，劔笈書相後，先冰氣栗冽。
肌粟蟲蟲如南夏，瘴瘞苦吟凍，肩倍聳，憊甚
矣，却羸得在荆關圖畫中，浮生半日。

昨夜飛花苦不多，朝來起視白叢叢。一行裘帽風中去，半日關山雪裏過。銀鬢望夫高入漢，玉屏隨客折成河。中間一道明如線，四角紅氍擁數騾。

送丁叔子北上慰乃兄

令威三世通家好，廿載遷居會面賒。醉我龍鎗繞地，主憐君馬首又天涯。春燈雨雪瀟瀟夜，野店茶湯處處家。想見皇都堤草綠，春鴛細語遶梨花。

代壽黔公 蒼雅爲杜嗣響

有道明王守四夷，公家鎖鑰在雕題。一天樞紐群星

北萬里金湯半壁西茅氏駢龍艱切火王喬奉藥僊
丸泥何如翊戴勳臣府永鏤金書鐵馬蹏

又

異姓王功階特進大將軍客揖須長太平象馬舞何
事勝會鳧鷖醉不妨錦席珠璣群彥舌金爐煙霧百
蠻香殿勤剗有華封祝先遣山呼到帝鄉

又

千花百果候青陽二月爛斑匝點蒼樣簇濃枝靈鷲
錦光添繡襪石麟牀干戈後取儀雙髯弧矢先懸志

四方我國同休恩不淺年年此日憶 高皇

亞夫墓

墓在巢縣此亦虎傳也

王者從來云不死共疑隆準及重瞳已占龍氣成天子却幸鴻門敗乃公一牧乳羊遮墓白幾株寒棗覆碑紅憐儂疽發不欲活豈爲人間少鄧通

白牝蛟

招寶山東行若干里洋也白牝蛟宮之相傳是千年物遂名其所蛟門而向所詒海酋王直之倭商仔岑港者自春抵夏屢進剿屢阻

於兩人言蛟之舉也暮中醜罵蛟俄而雨如

注

寶山門外白蛟宮獨處千年不嫁雄螭
螭渦涎垂燕子殷殷霹靂懶蜈蚣風權近屬誰家掌日本頻由爾
躑躅一語稍喚酬惡雨量無周處在軍中

又

儂應主視稿三農不爾祠何吝一叢早使嫁夫封石
氏肯教將尾示劉翁寸鱗縮虱腥逃井蛻骨專車雪
硬風莫倚秦龍終秦爾史臣親記醢雌龍

讀文信公仙巖祠集焚弔

每疑天意不分明，枉殺呼天問屈平。
諸葛既難扶後主，廬陵何用產先生。
停舟此夜艱危地，出戶當年歎
息聲。腦子不靈尤恠事，竟將腔血灑燕京。

又

山翁伏臘競雞豚，海舶針羅失曉昏。
六尺托孤俱趙氏，一宵投主得公孫。
波濤解逐旌旗走，巖洞寧無氣
鬼存。安得扶卬親一拜，百花如錦醉山門。

夜坐有感轉憶往事 不衫不履之態

朝來乾鵲聒簷牙，入夜孤燈也弄花。見女一生夢養，
虎行藏，四足畫添蛇。因嗟竹箭歌如簧，時泛荷花到，
若邪。記得萬峰高頂鹿，竟踰黃犬獵人家。

香煙

意幽沈，筆浮動，咏物上乘。

誰將金鴨銜儂息，我只磁甕待爾灰。軟度低窓，領風
影濃梳高髻，縮雲堆。絲游不解黏，花落縷，嗅如能惹，
蝶來京。賈漸疎，包亦盡，空餘紅印一梢梅。

又

午坐焚香，枉連歲香煙妙賞。始今朝龍拿雲霧，終傷

猛蜃起樓臺不暇飄直上亭亭繞佇立斜飛冉冉忽
逍遙細思絕景雙難比除是錢塘八月潮

又

霜沈楠竹更無他底事遊魂演百魔函谷迎關傳紫
氣雪山灌頂散青螺孤螢一點停灰冷古樹千藤寫
影拖春夢婆今何處去馮誰舉此似東坡

又

蒼筤花香形不似菖蒲花似不如香揣摩范擘鼻何
殿應接王郎眼倍忙滄海霧蒸神仗煖峨眉雪挂佛

燈涼併儂三物如堪捉捉付孫娘刺繡牀。

又

說與焚香知不知，最堪描畫是煙時。陽成鐘口飛逃
汞，太古坑中刷裏絲。想見當初勞造化，亦如此物辦
恢奇。道人不解供呼吸，閒看須臾變換嬉。

又

西窓影歇觀雖寂，左柳籠穿息不遮。懶學吳兒煖銀
杏，且隨道士袖青蛇。掃空煙火香嚴鼻，琢盡玲瓏海
象牙。莫訝因風忽濃淡，高空刻刻改雲霞。

右香筒

又

香毬不減橘團圓。橘氣毬香總可憐。蟻虱窠窠逃熱
瘴，煙雲夜夜靦寒氈。蘭消蕙歇東方白，炷插針牢北
斗旋。一粒馬牙聊我輩，萬金龍腦付嬋娟。右香毬

春興 率直流快得杜之微

好景蹉跎知幾迴。今春商略紫洪隈。固應帶插批
笋兼好提尊，錢落梅雙蹙百錢苦難辦。片槩孤舟滄
莫催見說山家堯子軟，借穿峰頂晚霞堆。紫洪，笋絕佳。

又

乾坤瞬息雪邊風。萬事陰晴雨後虹。已分屠門齋後
斷。只難酒盞座前空。半緡榆莢求書客。數點梅花換
米翁。小飲墻西隣竹暗。綿蠻對對語春叢。

又

二月四日吾已降。攝提尚復指蒼龍。當時小祿慈闈
繡。連歲寒衣隣母縫。一股蟲尸忙萬蟻。百鬚花粉亂
千蜂。自憐伯玉知非晚。除却樽罍事事慵。

又

李白桃紅照眼明。蘭風梨雪逼人清。一枝帶藥馮吾

折雙蝶隨風各自爭，粉翅撲衣猶可耐。墨針穿帽此
何踪，因思花草猶難撥，却悔從前受一經。

又

七旬過二是今年，垂老無孫守墓田。半畝稻秧空餓
鹿，兩株松樹罷啼鴉。悲來辛巳初生日，笑向清明細
雨天。忽燃柳枝翻一笑，笑儂元是老婆禪。
松爲盜砍

又

昨冬不寐苦夜永，此月新弦喜晝長。柳色未黃寒食
過，槐芽初綠冷淘香。西池蝌蚪愁將動，北地鞦韆影

不忘描寫姬姜二百句白魚儘飽小巾箱

舊聞歌謠在臨濟賦

詩數十首
幾二百句

又

胡烽信報收秦塞夷警妖傳自贛州十萬樓船指旣
越結交鄰國且琉球不臣趙尉終辭帝自王田橫怕
拜侯幾鳥彈丸髡頂物敢驚沙上一浮鷗

又

孟光久矣掩泉臺海口新阡此再開煖色一天霞影
入寒潮萬里雪山來迢迢支壠何方發箇箇曾揚卷



處猜忌買松秧三百本高陰元仗拂雲材

送季子微赴李寧武總兵之約

黑貂裘襖盡長安此去關山雪未殘挂印曾蒙公子約解袍應念故人寒大豪馬邑墳堪平天險羊腸路復難到後莫須先一拜未妨長鋏向人彈

南鎮之南原桃樹數百花時余數遊賞當武陟也道士苦打攪盡伐之憶以詩

鎮南亦自有桃源載酒來尋不計年祇爲燒茶煖道士故令閉洞返漁船一從春雨花開後是處朝霞色

可憐笑我老來無脚力。欲呼船子少船錢。

二月望後連日夜風甚不減前年而是日二兒

書至 諧語不失趣韻

天寒地凍正霜宵。被冷風號入帳驕。貫屋再經飄瓦
盡破爐重補。買薪燒老牛。春壞堪馱鳥。小犢書來尚
滯遼。好買柴團襪。一搭急鞭歸馬。補虛勞。醉後跌損
臂春爛而

瘡少陵病馬詩日
暮不收鳥喙茶

唐伯虎畫崔氏且題次其韻

彷彿相逢待月身。不知今夕是何辰。行雲總作當年

散胡粉空傳半面春，
嫁後形容難不老。
畫中臨榻也應陳。
虎頭亦是登徒子，
特取妖嬌動世人。

吳宣府新膺總督

邸報初翻數葉藤，
棟梁今喜梗柵勝。
市場春後皆青草，
司馬秋來在白登。
天下安危真足仗，
眼前修短却難憑。
最憐投轄相知客，
不得隨車負此情。

子肅再赴戚總戎所未至死於都下

正韻

幕中賓客盛文詞，
幕府黃金客再持。
共擬歸來作生計，
不堪老去哭相知。
一春綠草飛蝴蝶，
千里黃沙暗

鼓鼙兩地分明誰苦樂遊竟莫遣到家遲

紅葉

纔見芳華照眼新又看紅葉點衣頻只言春色能嬌物不道秋霜解媚人宮水正寒愁字字吳江初冷錦鱗鱗更餘一種閒風景醉雜黃花野老巾

蘭亭次韻

相傳蕭翼竊蘭亭記
欺聞百花一時盡開

長堤高柳帶平沙無處春來不酒家野外光風偏拂馬市門殘帖解開花新觴曲引諸溪水舊寺巖垂幾樹茶回首永和如昨日不堪悵望晚天霞

送長洲居山人士貞

客裡尊罍每見陪，那能不飲送將歸。
歌長筑短堪流淚，雉叫鷹呼未解圍。
雨雪尚淹春籟薦，清明還競夜
飴。非鄉風處處從來異，曾宿開門記憶微。

重修 乾清宮成迎

慈聖再御

輔臣用此題
進給庶時子

客京師
漫賦

開闔重新紫極熙，姬姜再御寶幃移。
慈顏既近趨承易，聖體猶冲保護宜。
烏換歌筵前日曲，花繡
路舊時枝。一人奉養兼天下，大孝鴻名萬古垂。

五色鸚鵡黃鸚鵡並是 聖母所馴各賦

白燕往時呈翰苑錦鸚今日貢 宸居萬年枝上栖
偏麗百鳥圖中態未如參養固知天意在語言長得
聖顏舒何因五色鮮成染自是媧皇煉石餘

又

合殿風和碧柳絲嘉禽色占錦紋奇兼呈五德靈雞
綬例挂孤桐小鳳儀無數天機臨譜繡有時人語出
花枝侍兒不用拋紅豆自有佳音慰 聖慈

右五色者

又

西隴靈禽翡翠粧，稀聞正色染黃裳。自談玉殿非關學，却照金籠別有光。飲啄定應歌帝力，生成何幸稟中央。千秋萬歲歡無極，土德坤輿本肇祥。

又

鸚鵡由來只翠衿，中央正色見於今。將懸半暎初生柳，欲繡全宜細縷金。教言一一問清禁，衝果時時摘上林。不是黃筌能畫取，誰知殿角有祥禽。右黃
色者

賞成氏牡丹和韻

將軍臺館俯林泉，春後名花幾日鮮。一本千金非不

賈數杯深夜轉堪憐。却披半暈當亭下。似出殘粧姁
客前。遙憶舊京歡賞處。馬蹄塵土踏成煙。

王翁八十令書貞松白石畫中

公再舉
鄉飲

鄉里丈人誰最賢。竹齋先生無間然。八旬尚有嬰兒
色。三老重登國學筵。春社插花人醉後。秋蠅作字夜
燈前。庭中桂子森如玉。白石長松好共懸。

姚崇明晚暎堂

喜不費思

粉額縣題晚暎堂。主人留客夜焚香。提壺不必過隣
店。買笋真教棟破塘。彭澤俸錢多備酒。崇明宦橐止

栽桑僦居幸得爲隣舍伏臘長招醉酒漿

清涼寺云是梁武臺城

蕭梁臺殿一灰飛。薺麥清明雉兔肥。壞榜幾更金剝
字。饑寇應爛鐵城圍。東來鏡折龍潭水。北去蘆長燕
子磯。千古興亡真一夢。隔江閒數莫鴉歸。

壽馬先生七十

先生尚居會社之第三席。又兩
牧州府。鄭箋。魚無魚蝦。古人

往復如此册

一見東坡集

流朱拂茜雜輕霞。庭畔重縣講日紗。一竹青青支國
杖。數椽灑灑動江花。社筵推長今三席。州郡分春已

萬家自笑傳經老。徐孺猶將詩說注。蟲蝦

元夕寄金武康 興趣可尋

曾醉春街典破裘。那堪老去却囊頭。鼠凌白晝爭人
食。雨共青燈管夜愁。萬戶新粧譁月鏡。一天彩勝亂
風毬。流思忽到茗西路。似見絃歌擁子游。

寄上海諸友人

雙魚歲晚渡江津。笋飯菰羹又換春。棄印可望天上
客。射書元屬海東人。天愁夜幕鈴偏急。柵暗縹藤鼠
正巡。湖水萬重蘭芷隔。因君還上佩芳身。

戊辰廿有四日尚賓時中宿於園夜大風雨冰
厚尺詰朝得子廿北報走筆遍諸友

夢裏分明夢塞鴻朝來便有鯉魚通話深白榻三人
雨冰斷黃河一夜風馬憊豈堪重蹠蹠鳥飛何苦辨
雌雄雲天萬里帶嫌窄恰作庖雞鎮日籠

玉師挽章

玉師挽章以兩瓦甕
頭賦謝靈庵中

隻鞋葱嶺去三年兩甕團團嶺箇邊劫火只思將骨
化寒花依舊護人眠我雖活在如籠鳥子已瀟然作
蛻蟬安得騎牛天竺道月明重話三生緣

養生書成紀事與夢

汪泰同契成家釜炊飯盡黃夢小溪蟹如斗大脫殼

出嬰兒已而復

入殼時尚繁

黃梁換色道書成紫印更來夢畏呈孝婦不寃終有
雨水禽持蚌一何晴中郎贖命慳修史叔夜濱刑且
養生見說漁翁馮一葉波掀浪穩付前程

某氏新園

買地鋪山引露濃中縣洞壑亞玲瓏拙將茵茵誰邊
水割取蓬瀛若箇峰江左枯葦宜別墅襄陽落日醉
山翁花枝儘媚當尊客莫辨金釵座上紅

送趙大理

先巡撫貴州
通雅大理

纔聞歸馬駐雙輪，又見旌麾動去塵。
廷尉由來須長者，武侯借服南人。
昨經湘水洲，蘭莫今渡黃河岨。
草春萬里波濤，隨意挽相逢處，處有枯鱗。

綠牡丹

白牡丹姓張名吟奴
回道士教之修鍊

牡丹綠者未曾聞，狡獪司花此弄新。
漢水鴨頭故作帳，隴山鸚鵡未呼人。
韓郎頂刻愁難學，酒量遠巡醉可頻。
不羨張家回道士，自拋紅粉練庚辛。

次蘇長公雪詩

與原作清峭亦相似

翩如巾舞，玉人纖皎，似禪宗戒律嚴。始去盡留雲母粉，客來只醉水晶鹽。正愁黃獨迷鏡柄，故壓梅花入帽簷。埋沒遠山知幾許，且收螺子畫眉尖。

何仙姑食雲母粉而

仙去于亦
猶畫人物

又

白糝堆寒沒，曙鴉姨家風。惡攪銀車，翻將瀟水騎邊色。忽點孤山，暮上花何物。黃冠滕六友，相思白舫戴。逵家今朝穆滿，觴黃竹笑指銀泥畫戟。又

又

固知嫋嫋不勝纖，亦有稜稜莊且嚴。劔底白猿磨戲
女，槎頭黑瘦粉無鹽。冰初勢已寒千仞，霧後人多蹤
一簷。笑憶小姬誇党日，可教輕試茗芽尖。

又

海上青山插髻鴉，海蛟輪織不論車。儘教一夜裁綉
葉，那得傾都不奈花。粉屐特停漁者棹，赤梢併付酒
人家。蚨郎迫使劉伶去，忍別青旗燕尾叉。

青州贈鬮磯研副以詩奉答 義山詞色少陵

音調

恭承錦字題文石尚帶青州海氣濃
蜃影幾痕疑墨繡雀臺萬瓦賤
漳銅醉來好蘸張顛髮老去羞箋鄭
氏蟲應有紅絲螭匣底宮鬟爭捧
寫蘋風

莫老至聾矣

長洲人向任杭湖墅能詩

幾度相逢莫丈人幾年斷却耳根塵
新潮正險君何冒舊雨重來話只陳
梅樹一堤通處士桃花雙板閉
漁津詩名到處南金重自歎工詩老更貧

八月十八日阿枳三江觀潮夜歸示

三詩每

前雄深後風逸不使少陵佳人拾翠句獨勝

東來小港入潮枯，總直潮辰只大都。父老猶談錢氏
弩波濤，終奉浙江符。一城菜熟須鹽急，百笏蘆花
蟹麤却問黃塵飛。未得祇言鹹濕滿頭顱。

又

聞道黃熊伯子宮，銀山銀海走銀虹。千花競蹙魚龍
後，萬里長來日月東。河伯正驕秋水舌，非神亦弄廣
陵風。蓮姬自愛潮多信，看弄潮兒欲嫁儂。

又

胡馬帆檣故不禁，鳴潮故避大江深。非關冰許滄沱

合信是鯁高海浪沈處處新粧邀步襪年年舊雪漲
城陰阿宣也鎖書堂去獨曳青藜詠玉簪

戲擬不往

白頭筓簪齊中坐赤腳蓮花頂上行九節閒將邛竹
杖一籌輸與老門生邇來婚嫁纒酬債此去風波任
打萍五嶽高頭誰披我肉身菩薩未身輕

讀某愍婦弔集

弔集云愍婦之死非一端最甚者以姑章給其子不認其母云

少時乳母也

媼鏡難教兩處明空桑真見一兒生噴乾口血臬初

天綵落梁塵。雉自經。寸骨崢嶸。爭壑雪。百吟風雨響。
窓晴。急須一本彈漁鼓。恐有中郎別唱行。

擬弔蘇小墓

公詩往往幽異。豈容豆日見耶

二杯蘇小是耶非。繡口花腮爛舞衣。自古佳人難弄
得。從今比翼寵雙飛。雉邊露眼啼痕淺。松下同心結
帶稀。恨不顛狂如大阮。欠將一哭慟兵閨。

聞里中有買得扶桑花者

俱屬大方

憶別湯江五十霜。蠻花長憶爛扶桑。陸郎第爾知何
等。趙尉栽儂定幾行。蜀鬼啼。益乾夜夜猩。堯搏血濕。

蒼蒼狂香結態堪誰比箇是憨兒醉後粧

又

炎花冷葉逐時開當取當壚着處陪海女纏頭雖絳
帕江楓落葉亦殷腮千金知向何處買一朶分簪破
帽來奪取胭脂等閒事只愁兒女太安排

又

齒齒蝨螺取次將長紅大翠儘蠻娘闌干笑語肥堪
譯浣火衫裙煖未涼白浪有緣陪賈客江湖無伴醉
橫榔吾鄉惡熱連年更帶得蒲葵上海航

又

鶴林寺裏別袈裟，又好扶桑到若耶。溪女惜香還蓄
苗，海人澆醉歇枇杷。似聞此地春猶雪，悔上孤帆曉
載霞。臘社少年貂帽上，簪紅莫忘遍茶花。

今來自嶺海者云扶桑花也予昔所見殊不類
是殆大蘇所詠涓涓泣露紫含笑焰焰燒空
紅佛桑耳花家剪雙頭見寄始覺首四作之
誤乘酒漫成六首以贖差錯挿硯水瓶媿然
有笑語意豈亦憐老人之衰眊耶復取餘瀝

澆之當纏頭耳。漢蜀村歌云披蓑衣打杖頭。
鼓風流在何處。予擬答鄉諺云雪落長江裏。
依舊化作水。何不落則雨。却要是箇底。底字鄉語

讀作

以 不知花神有知作何平章夜見夢云叟

所謂黃連樹下彈琴也

昔者曾憐佛桑賤。今來却見貴扶桑。天雞叫罷日纔
上海。登樓高霞正忙。此時此花染欲醉。是林是朵茜
成行。都爭茜頰堪千鎰。誰問蓮花似六郎。

又 幽新趣絕

天喬萬里忘風土。天地中州若雨暘。面面燕支凌虜
妾家家蝴蝶過隣墻。已聞好事狂通國會。見名園賤
洛陽。剩葉可醫蠶病不。大家春箔困銀僵。扶桑蠶長
七尺于如

燕
卵

又 結殊繡艷解似齊梁亦不得

扶桑一擲百樗蒲。買舶槌蚨罄鏹塗。萬鉢鉞鋤寧汝
顯。幾春爛熳爲誰都。盍從海島陪田客。故試淮泥可
木奴。欲借邊鸞花鳥手。爲添王會百花圖。

又 後四句更率直老成

翠幄青欄半面扶。烘脂多粉照蒼梧。稍疑壚婦頻中
酒。莫認昭君肯嫁胡。幸爾波帆收北指。慚余霜髮對
東塗。嫣然一笑如相問。儂是南鵬第幾雛。

又

寬衫高髻自是國粧

煖紅滴滴兩名娃。插向磁甌研水些。崔閣小紗縫杏
子。石家大剪裝榴花。無柰可傾河朔飲。有儂堪老邵
平瓜。矮檐破壁還愁汝。雨惡風狂燕掠斜。

又

將軍池館有王戎。何似扶桑到海東。過嶺風塵雙袖

暗際天煙漲一裙紅細腰。迴雪憎魔女濃頰。圍燈笑
醉翁。寄語寒溫須着意。別來淚血尚溶溶。

寄吳通府以墨見寄

名成器休誇人時予初出
紫吳勳後功多在處有碑

紫額舊暎郡齋長聞道額今亦著霜去定將軍呵醉
刷生猶碑字滿襄陽殘軀乍別阿鼻鬼寶匣遙飛片
腦香道日東陵瓜好不幾從炎熱轉清涼

魏文靖公卮貯以梓匣輒賦

魏家名德並恢恢魏氏宗彝並偉瑰既有貞觀丞相
笏復傳文靖鉅公杯金螭百隻誇誰氏火色千陶翠

此枚貫取隣醅賞新購先澆一滴向西飛。

某君見遺石磬

泗上歸來動隔年，親提浮磬與泠然。一除梵版裁雲俗，再扣哀鷗遶竹圓。老去固難腰似折，貧來直到室如懸。閒窻重理當時架，數杵香殘客話邊。

賣貂

于再北以贄文得貂帽領故
其二賣其六乃不滿十五金

市上挾葛塞眼黃，將貂往市不成羊。孟嘗一腋收狐白，季子千金敝洛陽。固是此方饒毒熱，亦窺生事正空囊。鹿皮破盡惟斑在，大雪關門擁壞牀。

賣磬

故憒多竹而鷓鴣叫
據林每歌輒罷

貧來一石不能留，解贈王郎愧取酬。
莊舄戀鄉聲自舊，金人辭漢淚長流。
半肩荷蕢過門請，一葉師襄入海遊。
倚語春秋休責備，後來能有此人不。

賣書

數詩詼諧灑落無非妙境

一束丹青半贊詩，稍如吏部長安時。
蕭條客舍彈棋得，流落人間作記垂。
到處馮將臨賈估，傾箱拚共盡
魚鱗。臥遊忽奪正惆悵，壁隙何遮風太吹。

賣書

第三言已身亦將賣耳况書
平作音做僮書用便了卷事

貝葉千緡粟一提持經換飽笑僧尼僮替我亦王家
作偶散誰非大塊泥帶草連年高纂述巾箱一日去
筌蹄聊堆剩本充高枕一字不看眠日低

長至次朝

昨日涼雲絳色微朝來南鳥北籠飛一九自弄玄黃
刺百線爭穿傀儡機小劫熬蹄撐略住大人龍伯負
將歸何年茹復鞭爲馬數盡河沙未放鞵

岳公祠

墓門朱戟碧湖中湖上桃花相映紅四海龍蛇寒食

後六陵風雨大江東。英雄幾夜乾坤博。忠孝誰家俎
豆同。腸斷兩宮終朔雪。年年麥飯隔春風。

某君生朝抹牡丹爲壽

道德固爲長久物。崇高亦是聖賢嘉。莫言白首疎狂
客也。顏朱闌富貴花。一研溫風輕散凍。數尖濃葉醉
塗鴉。試教挂向西京宅。未許堯夫筭有涯。

十月廿二日園西櫻桃數花便有蝶至

令節初冬逼。下旬櫻桃數。妙着花新天。寒翠袖宜深。
暮日莫紅簾。訝美人小顏。預施三月粉。微脂未褪昨。

嘗唇梨花定不開天上百姓人家借小春

又

夏實每看當鳥盡冬花何事向人妍不堪憔悴行吟
後故弄陽春欲雪前正苦白頭愁兀兀誰家黃蝶過
娟娟杖藜立斷斜陽影淚盡西風送菊天

訪李响屨山人於靈隱寺

時被繫七年暫放先是寓杭年少暇則扁

舟湖上故

有未句

响屨詩容學全真半日深山說鬼神送到澗聲無響
處歸來明月滿前津七年火宅三車客十里荷花兩

粲人兩岍鷗鳧渾似昨就中應有舊相親

九月朔與諸友醉某子長安邸舍得花字

時三
舊友

稍肅故及之此

又值大除滿道

滿庭山色半闌花觴曲交飛古俠家肝膽易傾除酒
畔弟兄難會最天涯不教醅醕歸何事望到茱萸節
尚賒燭暗溝渾都莫慮近來官道鏟堆沙

某伯子惠虎丘茗謝之 恒言俗事成許雅韻

虎丘春茗妙烘蒸七碗何愁不上升青箬舊封題穀

補紫沙新鑿買直與都從梅月橫三弄細攪松風地

一燈合向吳儂形管說好將書上玉壺冰

桐鄉馮母

其子成進
士疏子位

三遷近矧苦霜時一尺殊恩湛露垂自古男兒嬰白
少誰家嫠婦帝王知高齋客飯寧辭髮落葉寒機
幾斷絲兒說仙郎棲海曲更無魚鮓到塘西

又

青史他年定幾行太夫人傳在中央不須竊藥居明
月自解將心結暗霜片匝遠飛鸞字重單雌親刷鳳
毛長羅敷雖老携筐在什與吳姬出采桑

畫魚既作古詩矣久之復得七律

茲圖稍似少陵詩微風吹雨山魚兒尺精詎許牛溲
活遠水何勞象隊移是處有魚爭聚網畫心無蠟穩
搖鬢五侯刀几知多少免爾爲鯖正在斯

擬送巡漢者

先君後先兩撫賊敵勞僅得夔州府同知不有名宦可祠耶志可收

耶

握節新爲萬里行何人不羨舊書生一簪白筆襜帷
冷幾驛紅氍祖道平清淨共推周柱下糾彈交指沐
黔寧故家門第須喬木何況先皇許世臣

又

孟密上官爭寶并臨安那大反狂酋兩番並屬先人
撫一字曾無太史收正值同袍巡此地却嫌泥壁向
高頭况無杯酒爲儂別安得切切絮所求

過伯升宅玩骨董而菖蒲尤盛魚有紅色有藍
色有玉有錦俱三尾如鼎又有水晶四尾者
菖蒲鉢鉢虎鬚抽玳瑁盆盆錦鯽浮衰老一塵幾不
染小兒百件欲拏過言歸肯問遲和早再到寧知得
與不落日青山三四點幾回舟子促回舟

雪中移居

十度移家四十年，今來移迫莫冬天。
破書一束苦濕雪，折足雙鐙愁斷煙。
羅雀是門都解冷，啼鶯換谷不成遷。
只堪醉咏梅花下，其奈杖頭無酒錢。

又

高雪壓瓦轟折椽，跌凍移家勞可憐。
長鬚赤脚泥三尺，買脯呼酒賒百錢。
饑鳥待我彼簷外，梅花送客此窓前。
百苦千愁不在念，腸斷茫茫黯黯天。

送婁某丞丹陽

乃祖御史

吾兄驄馬後昆賢今佐鳴琴倍灑然雙杪長松廳事
後三吳流水大江邊應憐道路疲迎送莫買鱖鮓康
俸錢他日相過莫相忘金山頂上酌清泉

錢王孫餉蟹不減陳君肥傑酒而剝之特旨

餛生用字換霜螯待詔將書易雪糕併是老饕營口
腹省教半李奪蟻螬百年生死鷓鴣杓一殼玄黃玳
瑁膏不有相知能餉此止持螯脯下村醪

文得詔都
唐王黃金

數笏而小人持一
卷佳索字內之

答嘉則

十年繞一問平安，只尺潭如對面看。舊日詩評雖有，
價近來公論孰登壇。百年忽已唵嗒暮，一齒時崩首
蒼。盤臘雪秋潮同馬日，何人不道是金蘭。

詣五洩驢上口占寄駱懷遠 何忝少陵

勝賞猶懸百里堤，蹄僵路滑不勝泥。溪山待客寒雲
外，雨雪逢君楓樹西。束帶豈難官自懶，尺箠不重老
能提。何由共繹蒼苔上，指與諸峰一一題。

九流

九流涓也落河流，戴髮星星一比丘。紅袖曾酣樓上

舞黑風仍墮海洋舟倫醅畢卓生爲酒辟穀張良死
在聖每柱尊鼎思一報幾時將轄井中投

雞聲

雲中丹竈伴神仙亦有樓迎高樹顛向夕旣來迴客
夢凌晨特去曉霜天韻飄籬外雞俱集頸漲花前繡
愈圓不似吳門塘上鴨海言自只將名姓向人宣

蛙聲

陂塘科斗書猶易海國侏儒譯較難草際不知何物
語燈前直聽幾宵關捲風爲遁愁蛇覺梅雨交喧亂

鴨欄五寸卽且習不得令人爲爾餐長歎

聞有賦壞翅鶴者予嘗傷事廢餐羸眩致跌右
臂骨脫突肩曰昨冬涉夏復病脚軟必杖而
後行茲也感仙癯之易賊羨令威而不皆橫
榻哀吟輒得二首

澤國秋風海色鮮飛騰無計只頽然雙棲入夜遮煙
獨半影拖花寫雪偏衣袒右肩慵梵客柳生左肘任
皇天可憐獨剩滄溟氣乞與昂藏步榻邊

欲鳴不鳴拍不禁。况復蒼蒼萬里心。舞袖今餘兩垂。
手。曝衣惟障一邊陰。不辭搖拽將池遠。似解蹉跎照
井深。傾國捧心翻所貴。一庭欹影換清吟。

建陽李君寄馴鷗俄殪野狸信至燕哀以三曲

予四首隲而輒喚其一爲廣東陽江楊氏所
遺一從少保公行闈分諸麋饋一爲錢子璠
詩此則李所寄並闈產也○杜甫詠鷗鷗世
人憐復損何用羽毛奇雍陶詩秋來見月興
歸思自起闈
龍放白鷗

魚鳥尋盟未許同。冥棲誰復伴龍鍾。荒欄取食曾呼
掌。繡尾翅霜罷掃籠。老去逢愁消不易。秋來見月放

成空定知此夜竟游處多在武夷山水中

又 性情閒澀

索姿馴態碧山空。爪貪涎一飽充。殘粟幾乾遺甕。
水落花時起。墮毛風千里。提携雨鬢。嶠四迴。參養一。
飄蓬將詩換得胡家者。向後不知何所終。

又 情鍾此輩益見潦倒

憶昨含悽下玉庭。殊方遠嫁儼姬羸。正憐妙羽搖孤。
雪。忍爲饑饉爛一腥。草色憊枯武夷道。書聞亦濕建。
陽纓。情鍾此輩非關癖。猿鶴年來一怒情。

賦得萬綠枝頭紅一點

名園樹樹老啼鶯葉底孤花巧弄春已拚濃陰渾覆
鳥獨宿殘豔尚撩人青樓百座迎桃葉翠袖傾宮捧
太真記得隴西長吉語斗筲如海爲朱唇

王鄉人尋二十年之父槐歸自衛輝合其母壙
寄埋叢塚北邙同有客求尸萬莽中白骨兩鄉兒得
父黃泉一笑姬迎翁淚餘指點居亭老血盡歛函夜
壑紅千古燈檠歸槐事莫論真贗總輸儂

賦得漁人網集澄潭下

紅椒碧鮓數夔州百網家家白鷺洲柳外鳴榔喧隔浦夜來燃竹滿中流長鯨未必愁連弩公子仍煩紅一牛提向酒家都糞葉可憐無計避鱸油

十七夕

宣城中連溝皆流水至是冰吼矣

銀帶邊兒駿馬馱西墻倒酒劇懸河高松入屋無人對明月當杯奈夜何此際鄉心愁不少滿城流水響無多東房老衲憐牢落夜夜來吹鶻打鵝

賦得賈客船隨返照來

千金不惜買鳴箏萬斛魚鹽水上行幾度煙波愁日

莫半程風物。趁天晴。西郊鶴鶴。摩雲入東道。於船晚飯。迎笑指紅霞。如有意。乾衣騎馬。廣陵城。

書劉子梅譜

有序此予未習畫之作

劉典寶一日持已所譜梅花凡二十有二以過余請評予不能畫而畫之意別雅解至於詩則不特稍解且稍能矣自古咏梅詩以千百計大率刻深而求似多不足而約略而不求似者多有餘然則畫梅者得無亦似之乎典寶君之譜梅其畫家之法必不可少者予

不能道之至若其不求似而有餘則予之所
深取也。急掀一過不必跨驢向灞橋而詩思
飄然於是呼管贈典君書舊所贈二幅使吟
之。典君試吟果亦不必跨驢向灞橋而畫思
飄然更掃一枝以歸我耶。

曳裾纔謝楚江蘭。却寫梅花贈歲寒。馬上不殊新折
寄雪中。又少舊年看影從。棘畔牆俱白。挂到宵闌月
倍團。分付東風好將護。他年山館障闌干。

又

江南風物在新春，筆底生花紅水村。似月付將千片影，因風欲動一窓痕。逢人固是難禁折，入帳還應惱夢魂。笑殺朝來無粒米，呼童捲向市邊門。

送某之太倉

吳中曾客幾經年，此去書帷得主賢。湖認舊人頻到，听燕穿新柳特迎船。蘆芽白白河豚上，梅雨昏昏海國眠。應憶越山籠鶴在，長於月出叫孤圓。

將牧羊庚戌元旦筮之得明夷之上六

入地登天兩不妨，從來作戲在逢場。門前晝靜堪羅

雀城上春深好牧羊披褐家門孫令尹入山經紀卜

中郎已知此意無人會閒坐看雲點太陽

孫叔敖事見史記余

先子嘗歸家其貧故引用其事

元夕休寧道中遙憶鄉里

陌上雙雙結袂頻翻如飛燕蹴輕塵一年樂事花流水
幾夜他鄉月照人驛路酒家猶去馬溪橋梅色弄
新春相隨惟有孤龍劍會向囊中笑客貧

賦得清秋落葉

白帝乘秋乘素蜺青娥挾露弄風威榮枯不敢違天

意搖落偏當寄客衣。大漠霜寒隨角散，孤城月白伴
砧飛。鏡中不久繁桃李，愁殺秦川織錦機。

清風嶺

赤霞城畔女郎身，曾將羅袖障胡塵。半巖竹淚猶啼
月一水菱花解照人，那取秦砧還破鏡，祇持完壁碎
絲綉。江天風雨來何急，似覺詩成泣鬼神。

焦山

聯龜死於牛觸寶
事也道人言之

欲君祠廟碧山隈，僧舍中流面面開。全楚客帆遮浦
下，廣陵濤色漫窓來。驟鼉何事當牛觸，養鶴翻勞刻

石埋隔取深泥。題不得空持黃絹立磨厓。

林先生遷教瀧水

特將一鐸嶺南行。水郭山郵路幾程。方爲郡人教弟
子。又從海國領諸生。石中鸚鵡當泥迸。帳裡梳櫛入
夏清。莫以遐荒頻作念。古來誰不重端城。

讀易園詩應一仕人之索

爲爾讀易幾虛都。歸藏連山盡野狐。大過久無仍假
我。絕韋猶在儘伊吾。百莖蒼草龜相守。一角梅花鶴
自呼。曾與京焦相問難。至今記得石渠無。

馬策之奉母住鳳凰山下之水樓

鳳凰山下遶清流策也迎親住此洲正好敲冰求尺
鯉倍宜垂雪飯高樓月中醉客搖船夜露下聽蟲助
竹秋何日細鱗隨網得招予沽酒柳橋頭

狐裘

裘被除雪夜苦寒取信
國文公集讀之賦此

狐裘賒去止三金大海投魚兩歲沈鷹馬趁風嫌未
急簷堦負日苦長陰歌聞未必如金石肘見真應捉
領襟猶喜雪宵看信國髮衝冠頂汗淋淋

歲暮夜雪招二王詩人壘果小飲

二王二王來何難。楹楹清酌頓欲乾。何處王門無短
袂。最難客路是長安。聲隨雪慘充瓶立。蔗藕霜消飽
膈酸。四海論交頭盡白。至今膽落醴交寒。